



59869

III

Med. St. Dr.

P

*Teol. 4364.*

*Szaniawski Constantini Telleriani: Edictum contra  
Dissidentes.*







# CONSTANTINUS FELICIANUS

IN SZANIAWY

## SZANIAWSKI,

DEI & Apostolicæ Sedis Gratiâ,  
EPISCOPUS CRACOVIENSIS, DUX SEVERIÆ.



Niverſis & ſingulis, ad quos præſentium notitiâ regulatur, Salutem in Domino. Eccleſiam & Diœceſim Noſtram Cracoviënſem, cui Nos Dominus ſponſavit in fide, optabamus non habentem maculam neq; rugam, & Vnius Paſtoris unum eſſe ovile, niſi Æternæ Veritatis oracula, infallibili eventu complenda forent, inter electam Cæleſtis Patrifamilias ſementem, reperiri, quæ inimicus homo ſuperſeminavit, zizania; & quo melius Orthodoxæ Religionis ſplendor eluceat, etiam hæreſes eſſe oportere. Hac certè ſentinâ, agrum hunc Domini Sabaoth, Hortum concluſum, & Terram verè Sacerdotalem, licet aliqua tantum parte conſitam, ex imo corde indolemus, & Paſtoralis Officij Noſtri munus, in quo Nos Dominus conſtituit, ut evelamus, deſtruamus, & diſſipemus, & plantemus, animo revolventes, miniſterio Noſtro accincti, ubi evelle-re de plano, alienos à veritate Fidei errores, nondum venit tempus, ut ſaltem periculofa hæc zizania, uſq; ad meſſem crefcere relicta, ultra limites, aut radices non agant, aut frondes non extendant, tenemur dare operam. Quam aggredientes ante omnia, univerſos & ſingulos cujuſcunq; Statûs & conditionis Diſſidentes, intra fines Diœceſis Noſtræ conſtitutos, in Domino hortamur, & obſecramus, at attendant ad Petram, unde exciſi ſunt, ſeu potiùs exciderunt, & ad S. Matris Eccleſiæ redeant gremium: Quòd ſi redire noluerint, noverint tamen, Nos ſuum eſſe Paſtorem, & voci Noſtræ obedientiam ſe debere, ex quo Eccleſiæ januam per Baptiſmum ingreſſi, ejuſdem filij licèt inobedientes, & ſubditi, quamvis recalcitrantes, ſunt effecti. Mandamus proindè iſtis, & ſeriò præcipimus, ac eoſdem monemus, ut omnes, qui Dignitates, Magiſtratus, Officia, Perſonis tantum Catholicis competentia obtinent, aut Civitati Noſtræ Cracoviënſi, ſivè alijs, cum ſpe ac obligatione amplectendi ſi-dem Catholicam, ſunt adſcripti, in ſpatio ſex Menſium, obligationi ſuæ ſatisfaciunt, certò ſcientes per Nos curatum iri, ut ex Legum præſcripto, cum renitentibus procedatur. Licèt autem A catholici, exercitium ſuæ Religionis per conniventiam quaſi Le-gum publicarum, habere prætendunt indultum, quia tamen in Regno Catholico degentes, per modum Accessorij, ſequi ſuum principale, & Dominanti ſubordinari Religioni obligantur; ideò ſtudeant intra cancellos diſſimulatæ ſibi utcunq; tolerantia, ſe continere, & ultra Fana hætenus indebitè uſurpata, nulla alia denovo exſtruere, quinimò eadem ſi vetuſtate collabuntur, nullo prætextu, vel colore quaſito, contra multiplicatas Conſtitutiones Regni, reædificare, vel reſtaurare, aliàs demolienda: Feſta & So-lemnitates ſecundum Calendarium Romanum obſervare, nec ad eorum, vel jejuniorum violationem, familiam Catholicam, ſivè ſub-ditos adigere; Nos enim contra ſecus facientes, rigorem iuris extendemus, extendiq; curabimus. Prohibentes diſtictè omnibus Mi-niſtris A catholicis, in Diœceſi Noſtra reperibilibus, ne in Fanis ſuis novas & inſolitas ſolemnitates præticare, extra Fana verò in do-mibus privatis, conventicula, devotiones, aut prædicationes facere, Ritus & caremonias ſuas quacunq; ibidem exercere, præju-dicia Eccleſijs & Iuribus Parochialibus inferre, multò magis Catholicos ad amplectendam Sectam ſuam ſollicitare, & inducere au-deant; quinimò ut Ordinationibus Noſtris, ſivè Antecellorum Noſtrorum, nec non Decretis Viſitationum, ad amuſſim obtempe-rent; Cenſuris Eccleſiaſticis innodatos ab ingreſſu Fani, communionem & ſepulturâ arceant, iſdem præcipimus, ſub pænâ captiva-tionis, carceris, proſcriptionis, & alijs arbitrarijs rigidiffimè irrogandis. Volumus inſuper omnes Diſſidentes ſcire, quòd ex eo, quia Cives aut Incolæ ſunt, tum Patriæ, tum Diœceſis Noſtræ, nec ullos limites extenſionis ſuæ, circūſcriptos habent, ſed permixti Catholicis ſub Parochijs degunt, teneri eos jure Parochiali, & ſubordinari Eccleſijs Parochialibus, quarum fines incolût, & proindè ad ea omnia obligari, ad quæ tenètur Parochiani, ſignâter autem, quatenus Matrimonia, quorû valor ab aſſiſtentia proprij & legiti-mi Parochi dependet, non alibi, quàm in Eccleſijs Parochialibus Catholicis, & præmiſſis bânis, niſi aliter per Nos diſpenſatû fuerit, contrahant, ita diſponente SS. Concil: Tridët: ſeſſ. 24. c. 1. de Reform: Matrim: ubi S. Cõgregatio ejusdè Concilij Interpretum, reſpõ-dens Epilcopo Tricaliënſi, manifeſtè declarat: *Hæretici, in quorû Parochia dictû Decretum fuit publicatum: (quod utiq; in omnib; Pa-rochijs Regni Poloniae eſt receptum:) tenentur præſcriptâ formam obſervare, & propterea ipſorum Matrimonia, abſq; forma Concilij, quâ-vis coram Miniſtro Hæretico, vel Magiſtrato loci, cõtracta, ſunt nulla.* In quo fundamẽto per Tribunal S. Nûtiaturæ Apoſtolicæ de Anno 1723. diæ Lunæ 25. 8bris in Cauſa Cracov: Matrimonium inter A catholicos, in Aſſiſtentia Miniſtri Hæretici contractû, nullum & ir-ritum fuit declaratû. Talibus igitur obviando incõvenientiis, & Matrimoniorum, ac prolis inde ſecuturæ, legitimitati conſulendo; Prohibemus ſeverè, Matrimonia inter A catholicos, in Fanis & coram Miniſtris Hæreticis celebrari, ſed ea in Eccleſijs Catholicis in Aſſiſtentia proprij, & legitimi Parochi, cõtrahi debere volumus, & mādamus; & qui ſecus fecerint eiſdè mutuam cohabitationẽ, donec de novo ſecundum formam Tridentini contrahant, interdici-mus; Fiſcaliq; Curia Noſtræ contra taliter facientes, & Miniſtros copu-lantes aſſionẽ reſervamus. Et cum alias SS. Canones, Matrimonia inter Catholicam & Hæreticum vel è contra prohibeant, ſi tamen aliquando id expedire contingat, rem ad Nos deferri volumus, hoc præcautò, quatenus proles tam maſcula, quàm feminea ex tali Matrimonio proveniens, Catholicum ſive Patrem, ſive Matrem in Religione ſeqvatur. Super quibus omnibus, ſeriam attendentiâ, Officialibus & Decanis foraneis, necnon Parochis locorum demandamus, obligantes eos in conſcientia, ut ſi contra præſentem Or-dinationem Noſtram, quid per quempiam attentatum fuerit, ad Nos deferant, & contra transgreſſores, ubi, & coram quo venerit de lure, agere non intermittant. DEVM Patrem Omnipotentem humiliter obſecrantes, ut cunctis mundum hunc Iuriſdictionis Noſtræ circumferentialem, purget erroribus, ſedentes in tenebris & umbra mortis, ad lumen veræ Fidei, & viam Vitæ æternæ reducat, & Vniverſos Diſſidenres, in Chriſto & Eccleſia unum faciat nobiſcum. Hæc igitur omnia & ſingula, ut ad notitiam univerſorum de-veniant, volumus præſens ediſtum Noſtrum Typo impreſſum, viâ curſoriâ, per omnes Decanatus Diœceſis Noſtræ transmitti, & in Eccleſijs tam ex Ambona, quàm per affixionem ad valvas, ſignanter in Civitate Noſtra Cracoviënſi, & in locis, in quibus A catholici reperiuntur, publicari. In quorum fidem Datum Kielcijs Die 10. Januarij. Anno Domini 1725.

Constantinus Szaniawski, Episcopus  
Cracoviensis. m. pp.

L. ✠ S.

Edictum contra Dissidentes.

Cyprianus Langi U. J. D. Canon Viſlicienſis;  
Curia ſua Illuſtriſſima Ceſſendinus Aſſnarius, m. pp.











